

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 - 夜摩天宮

佛昇夜摩天宮自在品

夜摩天宮菩薩說偈品

功德華聚菩薩十行品

十無盡藏品



華嚴經十行品之功德林菩薩說十行位之一			
入三昧		爾時，功德林菩薩摩訶薩承佛神力，入菩薩善伏三昧。	
十方佛加持	十方佛加 (根本智)	入三昧已，十方各過萬佛世界塵數刹外，各見萬佛世界塵數諸佛；是諸如來，皆號功德林。時，彼諸佛告功德林菩薩言：善哉！善哉！佛子！乃能入是善伏三昧。十方各萬佛刹塵數諸佛加汝神力故，能入是善伏三昧；	
	佛神力加	盧舍那佛本願力故、威神力故、諸菩薩善根力故、欲令汝廣說甚深法故、長養一切智故、分別一切眾生性故、離一切障礙入無障礙境界故、成就一切方便故、成就一切種智故、覺悟一切法故、善知諸根故、聞持一切法故。所謂菩薩十行。佛子！當承佛神力廣說妙法。	
	與智加持	時，彼諸佛即與功德林菩薩無障礙法、與安住法、與無師法、與無癡法、與不雜亂法、與清淨法、與無量法、與最勝法、與無垢法、與不退法。何以故？彼三昧力故。	
	摩頂身加	爾時，諸佛各申右手，摩功德林菩薩頂。	
三世佛說		摩其頂已，即從定起，告眾菩薩言：諸佛子！菩薩行業不可思議，廣大如法界，究竟如虛空。何以故？菩薩摩訶薩學三世諸佛所行法故。佛子！何等為菩薩摩訶薩行？菩薩有十行，三世諸佛之所宣說。何等為十？	
十行位名		一者歡喜行，二者饒益行，三者無恚恨行，四者無盡行，五者離癡亂行，六者善現行，七者無著行，八者尊重行，九者善法行，十者真實行。是為十行。	
說十行位		(功德林菩薩說十行法，经文見附21-1)	
十方震動說法作證	佛	六相震動現眾莊嚴	爾時，佛神力故，十方世界，六種震動，如來威神，法應如是：雨天華雲雨、天香雲雨、天末香雲雨、天鬘雲雨、天衣雲雨、天寶雲雨、天莊嚴雲雨；又自然出天妓樂音，天妙光明普照一切，演出諸天微妙音聲。如此四天下夜摩天宮說十行法，佛神力故，十方世界亦復如是。
	法	菩薩普說同等法義	爾時，十方各過十萬佛刹塵數世界，有十萬佛刹塵數菩薩，充滿十方，來詣此土。到已，語功德林菩薩言：善哉！佛子！乃能演說諸菩薩行。我等諸來菩薩，皆同一字，名功德林；我等世界皆名功德幢，佛同號普功德；我等佛所亦說十行，名味、句身次第義味，眾會眷屬亦復如是，不增不減。
	僧	十方說法	是故，佛子！我等承佛神力，來詣此土，為汝作證，如此四天下夜摩天宮寶莊嚴殿說十行法，我來為證，十方世界亦復如是。
功德林菩薩偈讚因緣			爾時，功德林菩薩承佛神力，普觀十方一切法界及諸眷屬，
		佛	欲令佛種永不斷絕、
		法	欲令菩薩種性清淨、
		僧	欲令菩薩願種不轉、
		精進	欲令行種不斷、
		禪定	欲令攝取三世佛種、
		般若	
		方便	欲分別說眾生善根種、
		願	欲觀察一切眾生時根、
		力	欲樂垢淨心所行種、
		智	欲普照一切諸佛菩薩種，以偈頌曰：

華嚴經十行品之功德林菩薩說十行位之二

禮敬加持		敬心頂禮十力尊，清淨離垢慧無礙，境界深遠無等倫，其道清淨如虛空。
佛十波羅蜜	佛	人中最勝無障礙，功德無量無所畏，智慧無二無等等，一切所行皆清淨。
	法	十方現在諸導師，解真實義無所畏，無等功德離諸惡，彼速究竟無上道。
	僧	一切如來人中雄，先已具發大慈悲，遊心清淨法界中，所行饒益諸群生。
	精進	十方三世無與等，自然正覺滅癡冥，一切佛法悉平等，彼之功德不可壞。
	禪定	十方一切世界中，悉得覩見諸如來，於諸如來無虛妄，彼人所行不退轉。
	般若	若見清淨真法界，甚深微妙第一義，一切癡妄莫能惑，彼行能成功德藏。
	方便	方便善知眾生類，入於真實妙法界，自然覺悟不由他，彼人所行如虛空。
	願	無量無邊諸世界，觀察究竟悉寂滅，一切諸法無障礙，彼人所行勝牟尼。
	力	具足堅固不可轉，成就尊重最勝法，清淨願滿到彼岸，諦聽菩薩諸所行。
	智	無量無邊一切地，智慧明達無障礙，甚深微妙為境界，是名無畏論師行，
法十波羅蜜	佛	句句廣分別，深入妙智慧，真實解諸法，彼修大牟尼。
	法	遠離一切惡，常能利眾生，彼人功德藏，等諸調御師。
	僧	普於諸群生，常施以無畏，清淨無染著，所行無倫比。
	精進	意淨無所著，寂靜無口過，具足妙功德，彼修最勝行。
	禪定	究竟度深義，功德定無盡，彼修不死行，諸佛常護念。
	般若	離我瞋恚心，妙音滿十方，安住正法教，所行無可諭。
	方便	布施到彼岸，百福自莊嚴，彼慧最第一，能令眾歡喜。
	願	善入深智地，安住心不動，彼行如金剛，堅固不可沮。
	力	悉入諸法界，隨順到彼岸，究竟得自在，法日之所行。
	智	無等等牟尼，修習不二法，心常樂寂靜，智慧無障礙。
僧十波羅蜜	佛	細微世界中，容受大世界，境界無不了，智慧山王行。
	法	普於諸世間，心淨無所著，持戒到彼岸，淨行之所行。
	僧	智慧不可量，虛空法界等，深入具足智，是勝金剛行。
	精進	智慧悉充滿，三世諸法界，心常無懈怠，入於最勝境。
	禪定	一切所至道，分別十力法，身行無障礙，勝智之所行。
	般若	一切十方界，無量眾生類，菩薩悉救護，離癡之所行。
	方便	修習諸佛法，精勤無懈怠，普令世間淨，大龍之所行。
	願	悉知眾生根，究竟種種欲，了達無量性，平等之所行。
	力	普於十方界，久受無量苦，其心無憂惱，歡喜之所行。
	智	放諸光明網，普照諸世間，具足智慧明，善修慧所行。
精進	佛	皆悉能震動，十方無量界，常能利一切，不令生恐怖。
	法	善解語言法，分別到彼岸，離垢智慧明，不動之所行。
	僧	善解俯仰國，分別到彼岸，成就無盡地，最勝慧所行。
	精進	無量諸功德，常行求菩提，到彼功德岸，大稱無盡行。

華嚴經十行品之功德林菩薩說十行位之三

精進十波羅蜜	禪定	無上大論師，最勝師子吼，令眾悉清淨，離垢之所行。
	般若	佛甘露灌頂，授以法王記，究竟方便法，大心之所行。
	方便	分別一切眾，其心無染著，決定持法藏，法王之所行。
	願	一一語言中，能出無量音，眾生各各解，無礙慧所行。
	力	究竟語言法，分別悉了知，遠離諸虛妄，真實見所行。
	智	安住法海印，善印一切法，了法無實相，方便身所行。
禪定十波羅蜜	佛	能於一一刹，無量無數劫，窮盡諸劫行，其心無憂厭。
	法	無數諸如來，名號各不同，見之一毛孔，善修之所行。
	僧	如一毛端處，普見無量佛，一切諸世界，見佛亦如是。
	精進	無量無數劫，能作一念頃，非長亦非短，解脫人所行。
	禪定	見者悉不虛，所修皆真實，業行不可壞，最勝之所行。
	般若	無量無數劫，觀佛無厭足，能令眾歡喜，無礙慧所行。
	方便	無量無數劫，觀察眾生界，眾生非眾生，堅固士所行。
	願	具足智慧藏，清涼功德池，饒益一切眾，第一人所行。
	力	法界無邊際，無量如虛空，語言無所著，無畏論師行。
般若十波羅蜜	智	於一三昧中，入無量三昧，昇彼無上堂，淨月論師行。
	佛	究竟忍彼岸，堪忍寂滅法，遠離瞋恚心，無量智所行。
	法	不離一世界，不起一坐處，普現十方刹，無量身所行。
	僧	無量諸佛刹，能入一世界，佛刹不增減，不思議所行。
	精進	分別處非處，審諦入諸力，無上力成就，第一力所行。
	禪定	去來現在世，一切諸業報，智慧不退轉，明智之所行。
	般若	善知時非時，調伏一切眾，教化不失時，善知時所行。
	方便	身行悉皆善，口意行亦然，一切無所著，淨智意所行。
	願	智慧善分別，法辯無窮盡，境界等如實，如來之所行。
方便十波羅蜜	力	無礙功德藏，喜樂總持門，深入諸法界，隨入之所行。
	智	悉與三世佛，等心無異想，一相無差別，無礙境界行。
	佛	深入智慧海，除滅諸癡闇，能與清淨眼，淨眼之所行。
	法	一切諸導師，常行不二法，神通力自在，具足行所行。
	僧	十方佛刹中，普雨妙法雨，令眾解實義，法雲之所行。
	精進	普於諸佛所，逮得堅固信，一切智解脫，所學悉究竟。
	禪定	彼於一念中，悉知眾生心，究竟解心性，無性性所行。
	般若	不思議世界，變化無量身，無等遍遊行，諸行中無比。
	方便	無量世界中，現在諸如來，菩薩摩訶薩，常現彼佛前。
	願	菩薩入三昧，眾生見一身，菩薩出三昧，眾見無量身。
	力	所行甚深妙，未曾有口過，悅樂心無量，令眾悉歡喜。
	智	逮得無著智，分別知諸根，其心無所染，無上調伏行。

華嚴經十行品之功德林菩薩說十行位之四

願十波羅蜜	佛	方便分別法，於法得自在，一切世界中，常作諸佛事。
	法	菩薩微妙行，所行如虛空，何人得聞此，其心不欣悅。
	僧	彼智無與等，慧眼見一切，方便無倫匹，無等智所行。
	精進	無盡妙功德，能滅一切惡，到彼清淨岸，無比之所行。
	禪定	成就莊嚴法，安住不退轉，度脫無量眾，而無眾生想。
	般若	所修無諍行，一切智微妙，正法化眾生，淨眼之所行，
	方便	恭敬一切佛，具足究竟慧。成就無所畏，方便智所行，
	願	普能入一切，世界及諸法，亦入群生類，度脫無量眾，
	力	遍於十方界，擊無上法鼓。常施無量法，不死之所行，
	智	一身跏趺坐，充滿無量剎。眾生不迫迮，清淨法身力，
力十波羅蜜	佛	一味一義中，分別無量義。演說無窮盡，無邊慧所行，
	法	修習佛解脫，智慧無障礙。成就無所畏，無量方便德，
	僧	了諸世界海，一切佛刹海，法海智慧海，度脫眾生海。
	精進	或有見菩薩，入胎及出生，或見成正覺，無量功德行，
	禪定	處處佛刹中，示現般涅槃，真實無涅槃，無畏師常住。
	般若	金剛身無異，隨應現眾生，真實無差別，一身行所行。
	方便	平等法界一，具足無量義，常樂觀三世，一相無相法。
	願	到彼諸持岸，正法安眾生，逮得諸佛持，最勝之所行。
	力	無染妙法身，慧眼清淨耳，是悉無障礙，無礙之所行。
	智	究竟諸神通，具足深智慧，智慧最殊勝，方便智所行。
智十波羅蜜	佛	心定未曾亂，智慧不可量，境界無不照，一切見所行。
	法	到彼功德岸，度脫無量眾，其心無疲厭，常修之所行。
	僧	一切知見人，在諸佛家生，普於三世佛，法中而化生。
	精進	語言法成就，摧伏諸論師，究竟無量行，隨入佛菩提。
	禪定	能放一光明，普照無量剎，世間大明曜，除滅一切暗。
	般若	隨其所應見，為現如來身，調伏群生類，嚴淨一切剎。
	方便	菩薩行無量，一切莫能知，示現一切行，欲度眾生故。
	願	無量不可數，眾生法界等，無數劫讚歎，菩薩德無盡。
	力	菩薩德無量，究竟一切德，諸佛無量劫，歎此德無盡。
	智	何況世間人，聲聞及緣覺，無量劫讚歎，而能得窮盡。

*此重頌百偈非按次第重說，但依十波羅蜜者，表此十行迴歸自性十波羅蜜圓融行法。

附21-1：華嚴經十行品之功德林菩薩所說十行法之一

歡喜行——成就布施發無上心		佛子！何等為菩薩摩訶薩歡喜行？（十波羅蜜中佛波羅蜜為主）
	成就惠施以佛為師利益眾生（佛）	此菩薩為大施主，悉能捨離一切所有，等心惠施一切眾生。施已無悔，不望果報，不求名譽，不求生勝處，不求利養；但欲救護一切眾生，欲攝取一切眾生，欲饒益一切眾生，欲學一切諸佛本行，欲正憶念諸佛本行，欲得清淨諸佛本行，欲得受持諸佛本行，欲顯現諸佛本行，欲廣說諸佛本行，欲令一切離苦得樂，是名菩薩摩訶薩歡喜行。
	歡喜布施增長慈悲（法）	菩薩修歡喜行時，一切眾生歡喜愛敬，隨諸方土有貧窮處，菩薩願往生彼。豪貴大富，財寶無盡。 於念念中，有無量、無邊、無數眾生詣菩薩所，白言：仁者！我等貧窶，靡所資贍，願垂慈救，得濟生命。菩薩念念應其所須悉令滿足，靡不歡喜。
	如是修學不違眾生	菩薩不求索煩重，而生憂惱，但發無上大慈悲心，施無厭足，欲令常來。來已，稱慶倍復歡喜，作如是念：我得善利。此等眾生，是我福田，是我善友，不請不求，自來教誨，發起我心修行佛道。我今應當如是修學，普令眾生悉得歡喜，
	善根迴向無上菩提	我於三世所修功德，願速成就清淨法身神力自在，悉令眾生隨其所須皆得歡喜。以此功德，令諸眾生悉成正覺，度脫無量眾生，悉令究竟無餘涅槃；
	自性觀行成就般若	我當先令一切眾生，滿足諸願，然後我當成等正覺，離我想、眾生想、我所想、壽命想、種種想、福伽羅想、作者想，法界、眾生界，空無差別；離欲法、非真實法、無所有法、非堅固法、非恃怙法、非所作法。 菩薩如是觀時，不見施者，不見受者，不見財物，不見福田，不見業，不見報，不見果，不見大果，不見小果。
	觀生滅法起大願力發菩提心	菩薩觀察三世，發如是念：哀哉！眾生為愚癡所覆，煩惱所纏，常流生死輪迴苦海，於不堅固法不得堅固； 我當盡學諸佛所學，饒益眾生成等正覺，開悟一切皆令清淨，隨順寂滅觀三世法。是名菩薩摩訶薩初歡喜行。
饒益行——護持淨戒得平等法		佛子！何等為菩薩摩訶薩第二饒益行？（十波羅蜜中法波羅蜜為主）
	護持淨戒得佛所讚平等正法心淨如佛（佛）	此菩薩持戒清淨，於色、聲、香、味、觸、法，心無染著，廣為眾生說無染法。不求生於人天勝處尊貴之家、不求利養、不求端正、不求帝王，但堅持淨戒。作如是念：我持淨戒，離一切纏煩惱熾火憂悲苦惱，不負眾生，諸佛歡喜，究竟成就無上菩提。 菩薩如是持淨戒時，於一日中，若有無量無數阿僧祇諸大魔王，一一魔王，各將無量無數阿僧祇諸天女眾，皆悉端正，顏貌姝妙，姿容妖豔，傾惑人心；又復齎持一切樂具，欲來惑亂菩薩道意。
	護持淨戒心淨如佛	爾時，菩薩作如是念：此五欲者，是障道法，乃能障礙無上菩提。是故，菩薩乃至不生一念欲心，心淨如佛。除其方便教化眾生，內不離菩薩一切種智，堅固正念，
	隨諸佛學離諸惡行	不為五欲因緣故，起一惡念，惱亂眾生。寧捨身命，不加惡於人，若加惡於人，無有是處。菩薩自見佛已來，未曾有心起一欲想，何況從事？若或從事無有是處。

附21-1：華嚴經十行品之功德林菩薩所說十行法之二

饒益行——護持淨戒得平等法	觀眾生界隨諸佛學離諸惡行以智入於一切佛法	爾時，菩薩作如是念：眾生長夜在生死中，憶念五欲、貪著五欲、愛樂五欲、心常流轉五欲、境界永沒五欲，莫之能出，我今應當作如是學：令諸魔王、天女眷屬、及一切眾生，立無上戒；立淨戒已，又教令得不退轉地，一切種智成等正覺，乃至究竟無餘涅槃。
	得真實法心不顛倒（般若）	何以故？此是我業，一切諸佛皆如是學。離諸非行、計我、無知；觀一切佛平等深法，得一切智為眾生說法，斷除顛倒。
	覺了諸行自他清淨	不離眾生而有顛倒，不離顛倒而有眾生；顛倒內無眾生，眾生內無顛倒；顛倒非眾生，眾生非顛倒；顛倒非內法；顛倒非外法；眾生非內法，眾生非外法。一切諸法，但是虛妄，無有真實；須臾不住，無有堅固。猶如幻化，欺誑愚夫，悟一切法，如夢、如電。
	願力增上心恒安住無上智慧	如是解者，能達生死究竟菩提。未度者度；未脫者脫；未調伏者，令得調伏；未寂靜者，令得寂靜；未安隱者，令得安隱；未離垢者，令得離垢；未清淨者，令得清淨；未涅槃者，令得涅槃；未快樂者，令得快樂。
		我當捨離世間眾事，令諸如來皆悉歡喜。具足成就一切佛法，安住無上最勝法中，平等正觀一切眾生，分別了知一切諸法，遠離諸惡，永捨虛妄，除滅一切煩惱習氣，成就出要勝妙方便，悉得無量無邊辯才，成就甚深空寂智慧。是名菩薩摩訶薩第二饒益行。
無恚恨行——忍法成就趣向佛道		佛子！何等為菩薩摩訶薩第三無恚恨行？（十波羅蜜中僧波羅蜜為主）
	常修忍法謙下恭敬	此菩薩常能修習忍辱之法，謙卑恭敬，和顏愛語；不自害，不害他，亦不俱害；不自舉，不舉他，亦不兩舉；不自是，不是他，亦不兩是；不自讚歎，但作是念：我當常為眾生說法，離一切惡，斷貪、恚、癡、憍、慢、亂心、慳、嫉、諂曲；以大忍法而安立之。
	忍法精進正定寂靜	菩薩成就如是清淨忍法，設有無量無數眾生，一一眾生，各有無量無數眷屬；一一眾生，各有無量無數化頭；頭有無量阿僧祇舌；舌出無量無數惡聲；聲出無量無數惡罵；音辭鄙穢毀辱菩薩。又此眾生，各有無量阿僧祇手；手執無量無數刀杖，捶擊摧辱毀害菩薩，乃至無量阿僧祇劫，未曾休息。
		菩薩遭此楚毒之時，作如是念：我因是苦，若生恚心，則自不調伏、自不守護、自不明了、自不寂靜、自不修定、自不真實、自愛其身，何能令彼生歡喜心而得度脫？
	起大願力成就迴向趣向佛道	菩薩作是思惟：因身心故，於無量劫受諸苦惱；是故重自勸勵，令心歡喜，善自調攝。何以故？我當安住無上法故，欲令眾生亦得此法。
		復更思惟：此身空寂，無我、我所，無真實性，空無有二。若苦、若樂，皆無所有，諸法空故。我當解了，廣為人說。是故我今雖遭苦毒，應當忍受。
		為愍傷眾生故、饒益眾生故、安隱眾生故、攝取眾生故、不捨眾生故、欲令眾生得不退轉究竟成就無上菩提，佛所行法，我當修行。
		是名菩薩摩訶薩第三無恚恨行。

附21-1：華嚴經十行品之功德林菩薩所說十行法之無盡行

佛波羅蜜	修十種精進宗於自性法		佛子！何等為菩薩摩訶薩第四無盡行？（十波羅蜜中精進波羅蜜為主）
			此菩薩勤修精進、勝精進、最勝精進、第一精進、大精進、微妙精進、上精進、無上精進、無等精進、無等等精進。
			彼菩薩不為貪欲所亂；不為瞋恚、愚癡、憍慢、惱害、慳嫉、嫌恨、諂曲、無慚、無愧之所惱亂。菩薩復作是念：我不欲惱諸眾生，乃至不欲惱一眾生故，勤修精進；
二十種精進（法）	菩薩十波羅蜜精進	佛	但欲捨離諸煩惱故，修行精進；
		法	欲害一切結故，修行精進；
		僧	欲離一切習氣故，修行精進；
		精進	欲悉分別一切眾生故，修行精進；
		禪定	欲知一切眾生死此生彼故，修行精進；
		般若	欲知一切眾生煩惱習故，修行精進；
		方便	欲知一切眾生種種希望故，修行精進；
		願	欲知一切眾生諸境界故，修行精進；
		力	欲知一切眾生諸根故，修行精進；
		智	欲知一切眾生心、心所行故，修行精進；
	涅槃十波羅蜜精進	佛	欲知一切法境界故，修行精進；
		法	欲知諸佛實法故，修行精進；
		僧	欲知諸佛平等法故，修行精進；
		精進	欲以善方便知三世平等故，修行精進；
		禪定	欲知清淨平等法故，修行精進；
		般若	欲得一切諸佛法故，修行精進；
		方便	欲以一方便門知一切佛法故，修行精進；
		願	欲知諸佛無量無邊不可思議故，修行精進；
		力	欲知諸佛大智慧善方便故，修行精進；
		智	欲知一切佛法廣為眾生句句分別故，修行精進。
僧波羅蜜	利益眾生備受眾苦精進		菩薩成就如是精進，若有人言：無量無數阿僧祇世界眾生，汝能為此一一眾生故，於無量無數阿僧祇劫，具受無擇大地獄苦，令彼眾生究竟涅槃；復有無量無數阿僧祇佛出興於世，令無量無數阿僧祇眾生，受種種樂，汝猶具受大地獄苦，然後汝當成阿耨多羅三藐三菩提？
			菩薩答言：我悉能為爾所世界一一眾生，受地獄苦；諸佛出世，眾生受樂，我亦受苦，然後我當成無上道。
			復有人言：汝若能以一毛滂無量無邊阿僧祇諸大海水，皆悉令盡？無量、無邊阿僧祇世界末為微塵，悉知其數？如是念念次第，常不廢忘菩提之心？
增上歡喜		菩薩若聞是語，不退、不悔，歡喜踊躍，勤修精進，作如是念：我得善利。因我故，令無量無邊阿僧祇世界眾生永離眾苦。菩薩復作是念：我當代一切眾生受一切苦，普令眾生離一切苦，悉皆究竟無餘涅槃，然後我當成無上道。	
		是名菩薩摩訶薩第四無盡行。	

附21-1：華嚴經十行品之功德林菩薩所說十行法之離癡亂行

佛		佛子！何等為菩薩摩訶薩第五離癡亂行？（十波羅蜜中禪定波羅蜜為主）
	成就正念	此菩薩成就第一正念，未曾散亂，堅固不壞，第一最勝清淨無量，捨離癡冥；
法	善解世間一切語言能持出世諸法言說	分別正念，善能受持世間、出世間經論，色法、非色法經論，受、想、行、識經論。無有癡亂死此生彼，無有癡亂處胎出胎，無有癡亂住菩提心，無有癡亂親近善知識，無有癡亂學諸佛法，無有癡亂覺諸魔事，無有癡亂遠離魔事，無有癡亂於無量劫修菩薩行。
僧	於無量劫聽聞正法	菩薩成就如是等無量無數堅固正念，於無量無數阿僧祇劫，從諸佛菩薩善知識所聞受正法；所謂：甚深法、微妙法、莊嚴法、種種莊嚴法、種種名味句身法、莊嚴菩薩法、莊嚴諸佛無上法、正希望清淨法、不染一切世間法、分別一切世間法、廣法、無量法、捨離癡暗分別世間法、共法、不共法、菩薩智境界法、一切智自在法。（十七種法）
精進	不失正念無有間斷	菩薩聞此法已，於無量無邊阿僧祇劫，未曾退忘。何以故？菩薩摩訶薩本無量劫修道行時，未曾惱亂眾生，正念三昧，不斷正法，不斷善根，不斷智慧故。
禪定	種種音聲不能惑亂	此菩薩無量種聲不能燒亂，所謂：高大聲、惱亂聲、令人恐怖聲、微妙聲、不可愛聲、散亂六根聲。
般若	入三昧中正念堅固四智無障	菩薩聞如是等無量無數好惡諸聲，於正念不亂，三昧不亂，境界不亂，入微妙法不亂，菩薩行不亂，修習菩提心不亂，念佛三昧不亂，觀察真實法不亂，教化眾生智不亂，成就眾生不亂，安立眾生清淨智不亂，觀察甚深義不亂。（十二種不亂） 不行惡業故，無惡業障；不行煩惱故，無煩惱障；不行不恭敬故，無不恭敬障；不行謗法故，無謗法障。（無四種障礙即無障礙四智法）
方便	充滿無量世界	如是等無量種聲，一一音聲，充滿十方無量無邊阿僧祇世界，於無量無邊阿僧祇劫，未曾斷絕，悉能壞亂眾生諸根，令其發狂，而不能亂此菩薩甚深三昧。
願	住於聖法思惟觀察一切音聲	菩薩於三昧中，思惟、分別一切音聲生、住、滅相，善分別知生、住、滅性；亦善觀察諸聞聲者，聞好惡聲，心無憎愛，正念不亂，於彼諸聲，善取其相而不染著。知一切聲，皆無所有，非真實性，無有造者，亦無本際，與法性等，無有差別。
力	至一切智得不退轉	是菩薩成就寂靜身、口、意行，不復退轉；安住諸禪三昧正受。悟一切法，智慧成就，得離一切音聲三昧，阿僧祇三昧門以為眷屬。長養大悲於念念中，能得無量阿僧祇三昧，究竟成就一切種智。
智	三昧增廣至於究竟	菩薩聞此能壞諸根大惡音聲已，作如是念：我當令一切眾生，安住清淨正念。於一切智，得不退轉，究竟成就無餘涅槃。
	結會	是名菩薩摩訶薩第五離癡亂行。

附21-1：華嚴經十行品之功德林菩薩所說十行法之善現行

佛波羅蜜	三業清淨 住如實心	佛子！何等為菩薩摩訶薩第六善現行？（十波羅蜜中般若波羅蜜為主） 此菩薩成就寂滅身、口、意業；無所有無所現身、口、意業；無縛無脫身、口、意業；無縛無脫，諸所現無所依、無所住、隨心住無量心性等，一切法性等；無性相，示現無相，相甚深無底。
	凡所示現 無性無依	如如性離業報，善方便出生、離生，不生、不滅、寂滅涅槃等，非有說有，語言道斷。離一切世間，無所依住，長養菩薩所起善根，入離虛妄無縛無著法門，入真實法門，入離世間法門，分別一切世間法。
	入最勝智	菩薩作如是念：一切眾生，無性為性；一切諸法，無為為性；一切佛刹，無相為相；究竟三世皆悉無性；言語道斷，於一切法而無所依。
法波羅蜜	依甚深法	菩薩解如是等諸甚深法，解一切世間悉皆寂滅，解一切諸佛甚深妙法，
	解一切法 甚深	解佛法、世間法等無差別，世間法入佛法、佛法入世間法； 佛法、世間法而不雜亂，世間法不壞佛法。真實法界不可破壞，
	體性平等	安住三世平等正法，亦不捨菩提心、不捨教化眾生心，增長大慈大悲心，悉欲救度一切眾生。
僧	善用思惟	菩薩作是念：我不成就眾生，誰當成就？我不調伏眾生，誰當調伏？我不寂靜眾生，誰當寂靜？我不令眾生歡喜，誰當令歡喜？我不清淨眾生，誰當令清淨？
精進——利益眾生不取涅槃	觀諸眾生 盲冥無目	菩薩復作是念：我以解了此甚深法，見諸眾生受大苦惱，趣危險徑，為諸煩惱之所纏縛，如重病人，常被苦痛恩愛繫縛在生死獄；常不離地獄、餓鬼、畜生、閻羅王處，不能永滅無量苦聚，不離三障。常處愚癡暗，不見真實明，受無窮生死，不得解脫道。輪迴八難，愚癡所病，諸垢所染，沒在無量深煩惱海，邪見所惑，不覩正道。
	利益眾生 不取涅槃	菩薩作如是觀察：眾生若未成熟而捨取正覺，是所不應。我當先教化眾生，於無量劫修菩薩行，未成熟者教令成熟，未調伏者教令調伏，諸未度者教令得度。
	見聞利益	是菩薩住此行時，諸天、世人、魔王、釋梵、沙門、婆羅門、諸天、乾闥婆等，見此菩薩，歡喜敬仰。若有眾生，恭敬、供養、尊重、禮拜，乃至見聞，皆悉不虛，畢定究竟阿耨多羅三藐三菩提。
	結會	是名菩薩摩訶薩第六善現行。

附21-1：華嚴經十行品之功德林菩薩所說十行法之無著行之一

佛 波 羅 蜜		佛子！何等為菩薩摩訶薩第七無著行？（十波羅蜜中方便波羅蜜為主）
	以無著心入諸世間	此菩薩以無著心，於念念中，能觀察阿僧祇世界，嚴淨阿僧祇佛刹，於諸佛刹，心無染著。往詣阿僧祇諸如來所，禮拜恭敬，以阿僧祇華、香、塗香、末香、眾寶、華鬘、天衣、雜寶、寶蓋、幢幡諸莊嚴具，各阿僧祇以用供養，心無所著。阿僧祇諸方便行而無所行，阿僧祇思，無思法住。
法	於念念中見無數佛	於念念中，見無量諸佛，於諸佛所，心無所著；於佛相好，心無所著；於佛光明，心無所著；於諸佛刹，心無所著；聞佛說法，心無所著；於十方世界，心無所著；於如來眾，心無所著；於菩薩眾，心無所著；聞法歡喜，心無所著；正心增廣，攝意不亂，行菩薩行，不著佛法。
僧 波 羅 蜜	一一佛所承事供養	此菩薩摩訶薩於十方刹，一一佛所，無量無邊阿僧祇劫，恭敬、禮拜、供養，心無厭足；見佛聞法，心無所著；見諸如來菩薩大眾以為莊嚴，心無所著；見不淨刹，心不憎惡。
		何以故？菩薩摩訶薩寂滅平等觀諸法故。諸法無垢、無淨、無暗、無明、無分別、無不分別、無虛妄、無真實、無安隱、無危險、無正道、無邪道。
精 進	深入法界教化眾生	菩薩如是觀真實法性入眾生性，教化、調伏成熟眾生，於彼眾生，心無所著；受持諸法，而於諸法，心無所著；不捨菩薩心，而住佛所住，於佛所住，心無所著；入種種語言道，於語言道，心無所著；入眾生道，於眾生道，心無所著；分別諸三昧正受，皆悉能入，心無所著；往詣無量無邊不可說諸佛國土，見彼佛國，心無所著；若去佛國，心無餘戀。
禪 定	心無障礙了佛菩提	菩薩摩訶薩於諸佛國，以無貪著心，解佛實教；於無上道，而無障礙；於佛正教，已得安立；具足菩薩行，安住菩薩心，成就菩薩寂滅解脫；不念、不著菩薩所行，住菩薩淨道，受真實記。
般 若 波 羅 蜜	增長大悲生諸善根	得授記已，作如是念：凡夫愚癡，不知真諦，不見真諦，暗鈍無信，心不真實，常行染著，流轉生死，不見諸佛，離善知識，離於正道，迷惑邪見，不求調御師，不敬十力王，不知菩薩恩，親近惡知識，聞諸法空，心大恐怖，不正思惟，誹謗正法，棄捨正道，好從邪徑，入魔羅網，遠離諸佛，常著諸有，受種種苦。
		爾時，菩薩見彼眾生受諸苦已，增長大悲，觀諸善根，心無所著。
方 便	成熟眾生終不疲倦	爾時，菩薩作如是念：我當為十方一一眾生故，住無量無邊阿僧祇劫，成熟眾生，心無疲厭。常共止住，不欲捨離去。如毫端，以一毫端，悉遍量度十方世界；為一眾生故，於一一毫端處，各住無量無邊阿僧祇劫；如為一眾生，為一切眾生，亦復如是。
願 波 羅 蜜	教化調伏一切眾生不著寂定不著境界	以此大悲心，念念次第，未曾斷絕；而於眾生，心無所著。於一一毫端處，具足修習盡過去、未來際諸菩薩行。不著身、不著法、不著念、不著願、不著三昧、不著行、不著寂靜、不著境界、不著教化成熟眾生、不著入深法界。（十種不著）
		何以故？菩薩如是觀察：一切法界如幻；諸佛法如電；菩薩行如夢；所聞法如響；一切世界如化；業報所起。如摩訶摩化身，知一切眾生猶如畫像，種種異形，皆由心畫。所說諸法，皆如實際；於一念中，遍滿十方。修菩薩行，廣大如法界，究竟如虛空。於一念中，悉知諸佛，決定方便，了知心相迴轉迅速，而於此心，無所染著。

附21-1：華嚴經十行品之功德林菩薩所說十行法之無著行之二

力	為化眾生 演說諸法	菩薩如是觀察無我。見佛化度一切眾生，於佛法中得無量喜；起大慈悲，救護一切，心無憂惱，得歡喜願。未成熟者，當令成熟；未調伏者，當令調伏。遠離世間，而能隨順一切世間。
智	自利利他 清淨滿足	若聞諸方國土眾生音聲、眾生諸業、眾生施設、眾生和合、眾生流轉、眾生諸行、眾生境界、眾生諸地、眾生興起，我當乘大願之力，普至彼處，終不捨弘誓教化眾生，乃至不起一念染著。所以者何？以無所著故，自利利他，清淨滿足。
結會		是名菩薩摩訶薩第七無著行。

附21-1：華嚴經十行品之功德林菩薩所說十行法之尊重行之一

			佛子！何等為菩薩摩訶薩第八尊重行？（十波羅蜜中願波羅蜜為主）
佛	同佛善根		此菩薩成就尊重善根、不壞善根、最勝善根、不思議善根、無盡善根、不退善根、無比善根、寂靜善根、一切佛法善根。
法波羅蜜	得最勝解	佛	此菩薩修習行時，心常愛樂諸佛妙法；
		法	一向專求無上菩提，
		僧	未曾暫捨菩薩大願；
		精進	於無量劫行菩薩道，
		禪定	不計眾苦而生憂惱；
		般若	一切眾魔所不能壞，
		方便	一切諸佛悉共護念，
		願	常行菩薩諸清淨行，
		力	精勤修習一切菩薩無量苦行，未曾懈怠，
		智	得不退轉大乘弘願。
僧	廣利眾生		此菩薩安住、尊重菩薩行已，於念念中，能轉阿僧祇劫生死、苦難，長養菩薩無量大願。若有眾生恭敬、供養、乃至見聞，斯等皆得住不退轉，決定究竟無上菩提。
精進	不住生死 不住涅槃		彼菩薩觀察眾生，了達非有，而不捨一切。譬如河水，不至彼岸，不來此岸，不斷中流，能度眾生於彼此岸，以流通故。
			菩薩摩訶薩亦復如是，不趣生死，不趣涅槃，亦復不住生死中流，而能濟度此岸群生，到於彼岸，安隱、無畏、無憂惱處。
禪定波羅蜜	了一切法 法界無二		於眾生數，心無所著。不離一眾生，著多眾生；不離多眾生，著一眾生；不增眾生界，不損眾生界；不生眾生界，不滅眾生界；不盡眾生界，不長眾生界；不虛眾生界，不二眾生界。
			何以故？菩薩深解眾生界如法界，眾生界、法界無有二；無二法中，無增、無損、無生、無滅，法性真實，無來無去，無所倚著，不作二相。何以故？菩薩解一切法界無二相故。
般若波羅蜜	住於無相	佛	菩薩如是以善方便，解深法界；
		法	住無相、住清淨妙相，莊嚴其身。
		僧	善能分別一切諸相，決定究竟到於彼岸，
		精進	悉分別知眾生之數。
		禪定	普能現身一切佛刹，
		般若	於諸佛刹心無所著，深入佛法，
		方便	亦無所染，分別義味，廣為人說。
		願	於一切法離諸欲際，而不斷菩薩道，不捨菩薩行。
		力	行無盡功德，
		智	入清淨法界。
	常住世間		譬如火珠，出火不可窮盡，如是菩薩諸功德藏不可窮盡，教化眾生亦不可盡。而菩薩摩訶薩非究竟、非不究竟；非離取、非不離取；非依、非無依；非世間法、非佛法；非凡夫、非得果。

附21-1：華嚴經十行品之功德林菩薩所說十行法之尊重行之二

方便	知一切法無染	如是菩薩成就尊重心，修習菩薩行，不教聲聞、辟支佛乘；不教佛法，不教世間法；不教眾生，不壞眾生；不教正道，不壞正道；不教垢，不教淨。何以故？菩薩解了諸法無垢、無淨；知一切法無受、無轉，亦無有退。
願波羅蜜	寂滅修行於一切法皆無所著	行是寂滅甚深法時，亦不生念：我今行此法，已行此法，當行此法。未曾生念：有陰界入內世間、外世間、內外世間一切大願，諸波羅蜜。 何以故？一切法中，無向聲聞、緣覺、菩薩、佛乘，亦復無向諸凡夫界，亦復無向垢淨生死及涅槃界。何以故？諸法無二，無不二故。
力波羅蜜	一切法不可得而非無一切法	譬如虛空，求之十方，無有差別，非無虛空。
	佛	菩薩如是觀一切法，悉無差別。非不究竟成等正覺；
	法	彼最真實，不違正行，普能示現菩薩所行，而不捨離無量大願；
	僧	調伏眾生，轉大法輪，
	精進	不壞因果，不違寂滅平等觀法。
	禪定	此菩薩悉與三世諸如來等，不斷佛性，不壞正法，
	般若	興隆正法，辯才無盡，
	方便	於諸法中，心無所著，
	願	安住法堂，分別深法，住無所畏，
	力	不捨佛住，不違世法，
	智	普現世間等，於世間心無所著。
		菩薩如是成就尊重智慧修菩薩行，令一切眾生，永離世間惡道、諸難；教化、成就、安置三世諸佛法中，堅固不動。
智波羅蜜	修習菩薩所行處	如是教已，復作是念：一切眾生，不知恩義，更相殺害，邪見增盛，迷惑正道，煩惱充滿，癡冥所覆。設有善知識充滿世間，皆悉明達智慧具足者，我不為此等修菩薩行。
	不求恩報	何以故？我於善、惡人所，不求利養，不徇名譽，乃至一縷及一愛言。
	不求不取但為眾生	於無量劫，行菩薩道，不生一念自求己安，但欲調伏一切眾生，淨一切眾生，度一切眾生。 何以故？一切諸佛法如是故。不求利養，不計人惡，常應等心行菩薩道，怨親等觀而無差別，欲令究竟至於彼岸，具足成就無上菩提。
	結會	是名菩薩摩訶薩第八尊重行。

附21-1：華嚴經十行品之功德林菩薩所說十行法之善法行之一

攝持正法 (佛)		佛子！何等為菩薩摩訶薩第九善法行？（十波羅蜜中力波羅蜜為主） 此菩薩為諸天人、沙門、婆羅門、乾闥婆等，一切眾生，作清涼法池。守護正法，佛種不絕，得清淨陀羅尼故；
得十種辯無盡（法）	佛	說法無障礙，得義陀羅尼故；
	法	義辯不可盡，得法陀羅尼故；
	僧	法辯不可盡，得正語陀羅尼故；
	精進	辭辯不可盡，得無障礙陀羅尼故；
	禪定	說義味不可盡，得佛甘露灌頂陀羅尼故；
	般若	
	方便	令眾生歡喜辯不可盡，得自覺悟陀羅尼故；
	願	同辯不可盡，入同辯陀羅尼故；
	力	說種種義、名味、句身不可盡，得正語陀羅尼故；
	智	無量辯不可盡，得無量讚歎陀羅尼故；
廣長舌相 (僧)		於三千大千世界，變身如佛，妙音具足。於一切法，無所障礙，而作佛事。隨所應化，隨所解音，隨眾生根，以廣長舌清淨音聲，隨時說法，不違大悲。隨其所應，於一一言，出無量音，皆令歡喜。
		設有眾生，悉知無量不可計阿僧祇諸語言法、知無量業、知無量報，如是等無量無數阿僧祇眾生，充滿無量無邊阿僧祇世界，與菩薩為眷屬。菩薩處此會中，出一法言，悉令此等眾生，皆得開解。有如是等無量無邊阿僧祇諸大眾與菩薩為眷屬，亦復如是。
具一切智 (精進)		爾時，菩薩復作是念：設一毛端處，於一念中，有無量無邊阿僧祇大眾來會；如是念念次第，盡過去、未來一切諸劫，大眾來會，猶故不盡。彼諸大眾，言聲不同，所問各異。菩薩聞如是等一切問難，心無所畏，而作是念：設令一切眾生，悉來問難，猶以一言，決其疑網，皆令歡喜。
說種種法而無分別		菩薩說法，言不虛妄。於一一言，有無量無邊智慧莊嚴，成就無邊諸功德藏。慧光普照一切，諸法具足，成就一切種智。
清淨饒益 (般若)		此菩薩安住善法行已，能自清淨，亦能饒益一切眾生。如此三千大千世界，乃至無量無邊不可稱數諸世界中，自化其身為真金色，妙音具足。於一切法，無所障礙，而作佛事。以無量無邊清淨法門，化度眾生。
十種善法行身成就		佛子！此菩薩摩訶薩有十種身：
	佛	入無量無邊法界身，除滅一切世間故；
	法	未來身，一切趣生故；
	僧	不生身，深樂不生平等法故；
	精進	不減身，一切諸法言語斷故；
	禪定	不實身，如如真實故；
	般若	離癡妄身，隨應化故；
	方便	無來去身，離死此生彼故；

附21-1：華嚴經十行品之功德林菩薩所說十行法之善法行之二

十 種 身	願	不壞身，法界性無壞故；
	力	一相身，三世語言道斷故；
	智	無相身，善分別諸法相故。
為 眾 生 作 清 涼 池 （ 智 ）		菩薩摩訶薩成就如是十種身，
	佛	能為一切眾生作舍，長養善根故；
	法	為一切眾生救護，與大無畏故；
	僧	為一切眾生歸依，令大安隱住故；
	精進	為一切眾生尊導，開示無上道門故；
	禪定	為一切眾生師，方便令入真實法故；
	般若	為一切眾生燈，令見業報故；
	方便	為一切眾生明，得甚深法故；
	願	為一切眾生炬，令離愚癡解真法故；
	力	為一切眾生光，令得明地故；
	智	為一切眾生趣趣燈，顯現如來自在力故。
	結會	是名菩薩摩訶薩第九善法行。此菩薩摩訶薩安住善法行已，為一切眾生，作清涼法池，得佛甚深諸法底故。

附21-1：華嚴經十行品之功德林菩薩所說十行法之真實行

			佛子！何等為菩薩摩訶薩真實行？（十波羅蜜中智波羅蜜為主）
第十行位成就十波羅蜜	自性三寶成就前行	隨如來學智慧成就	此菩薩成就第一誠諦之語；如說能行，如行能說。此菩薩學三世諸佛真實語，入三世諸佛性，與三世諸佛善根等。此菩薩成就如是等一切善根，學三世諸佛無二語，隨順如來一切智慧。
		成就十種智而不捨菩薩行	此菩薩成就眾生是處、非處智；眾生去、來、現在一切業報智；眾生諸根具足、不具足智；眾生種種性智；眾生種種欲智；眾生一切至處道智；一切禪定解脫三昧正受垢淨起時非時轉智；過去一切世界成壞智；無障礙天眼智；漏盡智；而不捨一切菩薩所行。何以故？欲令一切眾生，調伏清淨故。
		成就眾生增上不捨世間	菩薩復作是念：我見眾生受無量苦，若未度此等，先成正覺，是所不應，我當滿足大願，然後成佛；令一切眾生，志求菩提究竟無餘涅槃。 何以故？非眾生請我發菩提心，行菩薩行，我自發心普為眾生，欲令究竟得一切種智。是故，我於一切最為殊勝，不著眾生故；我於一切得為最上，調御眾生故；我離一切闇，解無眾生際故；我得所應得，本願具足故；我善變化，菩薩功德莊嚴故；我有善攝取，三世諸佛所護念故。
	精進	於一切法智慧自在	此菩薩摩訶薩不捨本願故，得入無上智慧莊嚴。隨一切眾生所應，悉能化度，隨其本願，悉滿足已，得一切法，自在智慧，令一切眾生，皆得清淨。於念念中，悉能遍遊十方世界；
	禪定	念念示現如來神力	於念念中，悉能往詣無量佛國；於念念中，悉見無量無數諸佛及莊嚴刹，示現如來自在神力，
		現無量身普入世間	究竟法界、虛空界等，其身無量，隨應悉現，無量、無礙而無所依；於自身中，普現佛刹，一切眾生、一切諸法，三世諸佛，皆悉顯現。
	般若	知諸眾生隨應現身	此菩薩知眾生種種想、種種欲，業報清淨；隨其所應，為現其身，而調伏之。
	方便	決定了知智慧最勝	解一切法如幻、如化、如電；眾生如夢。此菩薩義身、味身不可窮盡，清淨正念，決定了知一切諸法，入諸三昧無上智慧，寂靜觀察不二之地。一切眾生，皆依二法。
	願力	得無礙解脫入佛法實相	菩薩摩訶薩住大悲心，修習如是諸深妙法，寂靜究竟。得佛十力，入因陀羅網法界自在，成就如來無礙解脫。人中雄猛，大師子吼，得無所畏；為法轉輪王，能轉無礙清淨法輪；
	智	有親近者皆令開悟	成就智慧解脫，了知一切世間所行；絕生死迴流，入智慧大海；悉能饒益一切眾生，護持三世諸佛正法，窮盡諸佛方便大海。
結會			是名菩薩摩訶薩第十真實行。此菩薩安住真實行已，能令一切天人、八部、無量眾生清淨歡喜。

（返回第137頁）